

LEGE-OINARRIAK

1.000 SUPER BAT PUNTUKO 5 SORTAREN ZOZKETA

1.- Erakunde antolatzailea eta saria

Caja Laboral Popular Coop. de Cr ditok —aurrerantzean LABORAL Kutxa—, F75076935 zenbakidun IFK eta helbidea Arrasaten (Gipuzkoan) —Jose Maria Arizmendiarieta, zk.g., 20500— duenak, nazio-mailako ZOZKETA bat egingo du bere webgunean (www.laboralkutxa.com/eu/sustapenak-eta-zozketak) Super Bat kontuaren titularrak diren bezeroen artean, 5. atalean, «parte-hartzaileak» izenekoan, jasotakoaren arabera. Zozketaren helburua aurrezkoa sustatzea da, SUPER BAT haurrentzako kontuko puntuak 2022ko martxoaren 31 baino lehen LABORAL Kutxaren katalogo berriko artikuluekin trukatzeko. 1.000 opari-puntuak BOST sorta zozkatuko dira, SUPER BAT katalogoan trukatzeko.

2.- Zozketaren esparrua eta doakotasuna

Zozketa hau 1991ko azaroaren 8ko 4/1991 Legeak, Euskal Autonomia Erkidegoan joko arautzen duenak, ezarritakoari jarraikiz antolatu da, eta doakoa eta borondatezkoa izango da. Hortaz, saria eskuratu ahal izateko, ez da kuota edo kopuru gehigarririk ordaindu behar.

3.- Zozketaren xedea eta prozedura

1.000 opari-puntuak 5 sorta zozkatuko dira SUPER BAT katalogoan trukatzeko. Puntuak automatikoki gordeko dira irabazleen kontuetan.

Zozketan parte hartzeko, honako baldintza hauek bete behar dituzte erabiltzaileek:

- Super Bat kontuaren titularrak diren 16 urtetik beherako bezeroek (pertsona fisikoek) hartuko dute parte zozketan, baldin eta haien gurasoek edo legezko tutoreek kanpainako mezu elektronikoa jaso badute eta, SUPER BAT katalogoan puntuak opariekin trukatzeko, parte hartzeko baimena ematen badiete.
- LABORAL Kutxaren bulegoetan eta web-orrialdean (www.laboralkutxa.com/eu/sustapenak-eta-zozketak) eskuragarri dagoen prozedurari jarraitu behar diote parte-hartzaileek.
- Irabazleak saria onartzeak eskubidea ematen dio LABORAL Kutxari haren legezko tutoreen izen-abizenak argitaratzeko.

4.- Iraupena eta Eremua

Jarduera hau Espainiako lurraldean gauzatuko da.

Zozketan parte hartzeko epealdia 2022ko otsailaren 15etik 2022ko martxoaren 31ra bitartekoa izango da, biak barne.

5.-Parte-hartzaileak

Honako hauek hartu ahal izango dute parte zozketan:

– LABORAL Kutxaren SUPER BAT haurrentzako kontuaren titularrak diren 16 urtetik beherako bezeroek (pertsona fisikoek), baldin eta haien gurasoek edo legezko tutoreek kanpainako mezu elektronikoa jaso badute eta, SUPER BAT katalogoan puntuak opariekin trukatzeko, parte hartzeko baimena ematen badiete LABORAL Kutxaren kanal digitaletan.

Honako hauek ezingo duten parte hartu zozketan:

– LABORAL Kutxako langileek, baita taldeko, partaidetzako eta antzeko sozietatekoek eta kanpainarekin zerikusi zuzena duten pertsonak ere.

LABORAL Kutxako bezeroek ez dute partaidetzarik eskuratzeko edo saria irabazteko eskubiderik izango, baldin eta:

- LABORAL Kutxaren aurrean berankortasun-egoeran edo bestelako irregulartasun-egoeran badaude zozketa indarrean dagoen bitartean, zozketa egiten den egunean edo saria ematen den unean.
- LABORAL Kutxaren iritziz iruzurrez jokatzeko badute zozketan.



6.- Irabazlea/ak eta ordezkook aukeratzea, saria jakinaraztea eta ematea

Aurreko 3. atalean zehaztutako sarien zozketa 2022ko apirilaren 7an egingo da, ausazko sistema informatiko baten bidez.

Arrazoi justifikatu bat dela eta, zozketa ezin bada egun horretan egin, hurrengo egun baliodunean egingo da. Saridunek LABORAL Kutxari berretsi beharko diote saria onartzen duten ala uko egiten dioten, telefonoz, posta elektronikoz edo bulegoetan sinatutako hartu-agiriaren bidez, saria argitaratzen eta/edo jakinarazten den datatik gehienez egun natural bateko (1) epean. Entitateak bere datu-basean dituen bezeroaren datuak erabiliko ditu.

Parte-hartzaileak sariari uko egiten badio edo zozketa egin eta 3 egun balioduneko epean ezin izan bada berarekin harremanetan jarri, ez du inolako ordainik jasotzeko eskubiderik izango.

Bezero saridunak sariari uko egiten badio, berarekin harremanetan jartzerik ez badago 3 egun balioduneko epean —zozketaren egunetik zenbatzen hasita—, zozketaren baldintzak betetzen ez baditu edo lehenago azaldutako baimena ematen ez badu, saria ordezkoen zerrendako lehen postuan dagoenari esleituko zaio, zozketan parte hartzeko ordena errespetatuz. Gehienez bost (5) ordezko egongo dira. Saridunak ezingo du sari horren ordez beste bat eskatu.

Sariduna saria jaso aurretik hil bada, horretarako berariaz aukeratutako ordezkoari emango zaio.

7.- Sariaren zerga-sistema

Zozketa honetako sariak zerga-tratamendu hau izango du: Pertsona Fisikoen Errentaren gaineko Zergari buruzko 35/2006 Legean, 439/2007 Errege Dekretuan eta kasuan kasuko PFEZren inguruko zerga-araudian aurreikusitakoa. Sariari aplikatuko zaion zerga-atxikipenari dagokion zenbatekoa LABORAL Kutxak ordainduko du.

Era berean, LABORAL Kutxak bere gain hartuko ditu Zerga Administrazioaren aurrean dagozkion informazio-betebeharrak.

8.- Iruzkina edo iritziak argitaratzea

Ez da onartuko iruzkin edo iritzirik, horien edukia desegokitzat jotzen bada, iraingarriak, laidogarriak edo diskriminatzaileak badira, edo hirugarrenen eskubideak urra baditzakete. Era berean, ez da onartuko pertsona baten aurkako iruzkinik, baldin eta ohorerako, intimitate pertsonalerako eta familiarrerako eta norberaren irudirako eskubidea urratzen badu. Ez dugu gure gain hartuko inolako erantzukizunik parte-hartzaileek zozketan egiten dituzten iruzkinak eragindako kalteen ondorioz, nahiz eta horiek beste parte-hartzaile batzuen sentzibilitatea mindu.

9.- Erreserbak eta mugak

Adierazpen gisa, baina ez muga gisa, iruzurra egin dela ulertuko da honako kasu hauetan: webgunearekin zerikusirik ez duten aplikazioen balizko erabilera detektatzen bada, zerbitzariari gehiegizko kontsulta-kopurua egiten bazaio, eta itxuraz gehiegizkoak eta/edo asmo txarrekoak diren portaerak antzematen badira.

Zozketan zehar aipatutako egoeraren bat egiaztatzen bada, parte-hartzailea zozketatik kanpo geratuko da automatikoki, eta saria eman bazaio, galdu egingo du.

LABORAL Kutxak ez du bere gain hartuko inolako erantzukizunik, baldin eta saridunek emandako datuetan akatsen bat badago eta horrek haien identifikazioa galarazten badu.

LABORAL Kutxak ez du bere gain hartuko inolako erantzukizunik saria ematean edo hori erabiltzean gerta litezkeen gorabeheren ondorioz, ezta berari ez dagozkion arrazoiengatik parte-hartzaileak saria jasotzean gerta litezkeen atzerapen edo hutsegiteen ondorioz ere.

Pertsonaren batek zozketaren manipulaziotzat edo faltsifikaziotzat har litekeen edozein egintza egiten badu, LABORAL Kutxak eskubidea izango du haren aurka ekintza judizialak abiarazteko.

LABORAL Kutxak ez du bere gain hartuko inolako erantzukizunik zozketan parte hartzeko erabiltzen diren zerbitzuak aldi baterako erabiltzerik ez egoteagatik edo haien funtzionamendua eteteagatik, erabiltzaileek iruzurrez erabiltzeagatik eta, bereziki baina ez eskusiboki, Internet bidez orrialdeetan sartzean eta parte hartzeko erantzunak bidaltzean izan litezkeen akatsengatik gertatzen diren kalte-galeren ondorioz.

LABORAL Kutxak eskubidea izango du zozketaren xede onerako aldaketak egiteko, horretarako bidezko arrazoiak daudenean edo zozketa oinarri hauetan jasotzen den moduan burutzea galarazten duten ezinbesteko arrazoiak daudenean.



LABORAL Kutxak eskubidea izango du zozketaren iraunaldia luzatzeko edo geroratzeko, baita oinarri hauek interpretatzeko ere.

Halaber, enpresa antolatzaileak ez du bere gain hartuko inolako erantzukizunik aipatutako kasuetako bat gertatzen bada edo saria baliatzean gerta litezkeen kalte-galeren ondorioz.

10.- Datuen babesa

Zure datuen tratamenduaz arduratzen den enpresa LABORAL Kutxa da (IFZ: F-75076935; eta egoitza soziala: Jose Maria Arizmendiarieta, zk.g., 20500, Arrasate, Gipuzkoa).

Parte-hartzaileak lege-oinarri hauek onartzen baditu, ulertuko da jakinarazi zaiola LABORAL Kutxak haren datu pertsonalak tratatuko dituela, zozketan parte hartzea tramitzeko eta, irabazlea izanez gero, sariaren berri emateko, baita saridunaren izena eta/edo irudia argitaratu, erreproduzitu eta hedatzeko ere, LABORAL Kutxak egoki deritzen bitarteko, euskarri eta formatuen bidez (hala nola, adibide gisa baina inolako mugarik gabe, prentsaren, iratiaren, telebistaren, Interneten eta abarren bidez), 2016ko apirilaren 27ko 2016/679 (EB) Erregelamenduak, datu pertsonalen tratamendurako pertsona fisikoen babesari eta datu horien zirkulazio askeari buruzkoak, eta 2018ko abenduaren 5eko 3/2018 Lege Organikoak, Datu Pertsonalak Babesteko eta Eskubide Digitalak Bermatzekoak, xedatutakoaren arabera. Aipatutako jarduera horiek ez dute ordainik edo onurarik jasotzeko inolako eskubiderik emango.

Datuak ikusteko, zuzentzeko, ezerezteko eta aurka egiteko eskubideak eta, era berean, datuen tratamendua mugatzeko eta beste leku batera eramateko eskubideak erabili ahal izango dituzu, zure nortasuna egiaztatuz (NANaren edo horren pareko agiria emanez) eta protecciondatos@laboralkutxa.com helbide elektronikora idatziz, edo, bestela, ohiko postaren bidez honako helbide honetara idatziz: CAJA LABORAL POPULAR COOP. DE CRÉDITO, Jose Maria Arizmendiarieta, zk.g., 20500, Arrasate, Gipuzkoa.

Bezeroen Datu Pertsonalak Babesteko Politika osoa hemen irakur dezakezu:

www.laboralkutxa.com/eu/datuen-babesa.

11.- Oinarriak onartzea.

Zozketan parte hartzeak berekin dakar oinarri hauek onartzea. Beraz, parte-hartzaileak adierazten badu oinarri hauek guztiak edo batzuk ez dituela onartzen, zozketatik kanpo geratuko da. Ondorioz, LABORAL Kutxak ez du parte-hartzaile horrekin hartutako obligazioa bete beharko. Oinarri hauek www.laboralkutxa.eus webgunean kontsulta daitezke.

12.- Legeria aplikagarria eta jurisdikzioa.

Lege-oinarri hauek Espainiako legearen arabera arautuko dira. Bergarako epaitegi eta auzitegiek izango dute eskumena oinarri hauen baliozkotasunaren, interpretazioaren edo betetzearen inguruan sor litezkeen erreklamazioak edo ezadostasunak ebazteko.